



味真閣集

石樵先生遺詩

園居集 癸丑

儀徵張安保懷之著

立春日偶作

飲酒杯常滿圍爐灰屢增今宵春意暖先泮硯池冰

高士依然臥美人胡不來偶從梅嶺過已見一枝開

寇氛甚惡移家寄居樸園賦贈主人巴粟仙太守

堂炳 小厓司馬 堂煥

移家避寇走風塵行李怱怱失路人難得主翁情繾綣

掃除東閣留賓

味真閣集卷中

一

湖山樓閣勢嶙峋況是鶯花正好春只恐倉皇戎馬日

名園不稱亂離身

風雨瀟瀟夜二更鑑心樓上讀書聲青雲黃土前塵杳

忽忽回頭感舊盟 鑑心樓是粹華勸盒讀書處粹華下

疾不出 世已三十餘載勸盒自粵藩病歸臥

秋馥山房樹影圓小窗同話木犀禪最憐三十餘年事

一度相思一惘然

感事

九江鐵鎖鎮洪流要害分明據上游大患已經生肘腋

全形忍使失咽喉驚疑風鶴空垂淚未見鯨鯢竟返舟
從古石城龍虎地傷心王氣黯然收

小邑

彈丸小邑傍江濱無數鹽艘塞要津犀甲三千思猛士
牛皮十二走商人白沙翠竹春無賴紅樹青山迹已陳
久說強賓能壓主喧呶不耐楚咻頻

儀邑失守由鹽梟曾大才等爲賊嚮導

喜徐書城上舍

嘉泰

見過

松菊初開徑雲萍幸盍簪移家思戢影避地得知心古

味真閣集卷中

二

瑟無同調斯人誰賞音前邨知不遠風雨亦經臨

邗江

邗江烽燧徹天紅傳說蕪城一旦空誰使趙宣忘討賊
妄思魏絳與和戎全形已失長江險下策徒思烈火攻
太息參軍工作賦平原縈骨草茸茸

新蒲細柳綠初勻歌吹由來妙入神南國鶯花空有淚
北門筦鑰是何人鴛鴦小隊紅顏慘蛇豕長驅白骨新
家室焚餘親舊盡祇聞埜哭遍江濱

東李晴江廣文

文健

多時不見李崆峒，說青盲似阮公家室流離剛一載。
干戈飄泊又西風，世情涼薄隨時變。生計艱難到處同，
好覓空青祛障翳。重開老眼見方瞳。

贈汪雲溪上舍

最

名園共住亦前因，亂後猶畱朽病身。垂老相依真倖事，
舉家併命是何人。數叢野草有生意，幾樹名花開好春。
多少樓臺同踏遍，扶持只覺倍情親。

粟仙主人招集同人讌飲秋馥山房書城先以詩
謝因次其韻

味真閣集卷中

三

良時開讌主人情，歡聚紛然酒盞傾。地有湖山臺榭古，
厨羅櫻筍笑言清。聞哥每覺青衫濕，看鏡頻驚白髮生。
此會不妨同酌酹，江關暫息鼓鼙聲。

六月十二日汪雲溪親家七十生辰前夕置酒招
集同人捧爵稱壽粟仙有詩紀事因次其韻

黃梅雨過天放晴，繞池眈眈羣蛙鳴。招邀知己作雅聚，
攜壺挈榼排酒兵。移家避寇各奔走，滿腔冤憤何時伸。
睚陽罵賊時嚙齒，終軍弱冠思請纓。國家承平二百
載，忽聞兵革心魂驚。吾儕傲倖各無恙，聚首況復皆交

親我酬子倡迭相應枝頭好鳥嚶鳴聲卽今大暑揮雨
汗甲士介胄方長征同仇共抱殺賊憤懷歸豈少思鄉
情昨朝甘霖洗熱惱頓覺習習涼颺生況復名園好池
館闌干曲折簾櫳清今雨舊雨良友集伯雅仲雅醇醪
傾人生七十古來少豈必年老皆成精我有旨酒不買
飲得毋負此金盤莖南極老人動高興當筵閃爍星芒
呈催花擊鼓更毋戰勇氣勃發誰能平頻年對酒祇坐
歎今宵盡醉非無名相期主客各酩酊曹騰一覺開愁
城

味眞閣集卷中

四

郊行偶感

雨後郊原望眼舒邨莊景色稱幽居腴田得水禾先熟
老柳翻風葉漸疎欲化莠民銷劒戟先須本務託犁鋤
江頭烽火年年熾悔不深山早結廬

雨後

園林蕭瑟晚涼深何處人家急暮砧楊柳西風秋士恨
梧桐疎雨故園心衰年倦似雲歸岫老眼閒看鳥出林
曾是少時飛動意蹉跎誰信有而今

雨後書城過訪樸園奉酬長誦

沈陰夾旬梅雨足田塍刺水秧苗綠深林頻聽鷓鴣啼
終日埋頭坐老屋昨朝雲淨天放晴雪霽時聞田水聲
晚來徐孺喜見過曳杖不惜衝泥行友聲相求誰所使
同心臭味如蘭芷揚風扞雅固自佳賭酒彈碁亦可喜
方今蟻賊扇妖氛錦繡江山起陣雲殺氣三時動烽燧
詔書百道出將軍將軍持重惟安坐亦或休兵堅
壁臥慎戰深防猛士傷不攻只待堅城破豈知 聖

主念民生

宵旰憂勞望賊平不惜

禁林驅猛虎

時期大海縛長鯨可憐三載迢迢久七省瘡痍同疾首

味真閣集卷中

五

武將惟知見敵逃文臣未解嬰城守

主憂臣辱古

所聞 朝廟殷憂孰肯分坐使狐狸竟當道忍令越甲

鳴吾

君世閒萬事真蒼狗釀禍誰人執其咎曲哭

空移竈下薪消息且盡杯中酒與君同是患難人患難
相逢意倍親語罷出門開口笑舉頭明月大如盆

秋日偶成

無端白帝忽乘權又到西風七月天柳葉漸黃如病客
荷衣乍褪學枯禪林臯栖遁聊充隱泉石徜徉是嬾仙
不分少時飛動意藥爐經卷入殘年

園居秋感

金風吹徹晚涼天
戢影空山地勢偏
霜雪上頭真老矣
風煙滿眼益淒然
看人白馬從軍日
是我紅羊換劫年
如此園林足栖遁
卻憐身世兩懸懸

秋感和小厓韻

鑄鐵空勞聚六州
錯成畢竟與誰謀
孫恩舟已屯京口
王濬軍方次石頭
不信瘡痍連七省
劇憐烽火徹三秋
羣公衮衮皆英俊
宵旰誰紓

聖主憂

坐雨和粟仙韻

味真閣集卷中

六

息影空山人迹稀
終朝宋宋閉柴扉
殘荷冷落紅雲亂
老桂飄零黃雪飛
滿眼干戈驚鐵甲
關心礎杵憶綿衣
光陰倏忽成彈指
身世何堪日日非

先立秋二日快雨時晴同粟仙小厓過飲勸盃艸

堂

中伏十日東風狂
蘊隆大暑如秋涼
低田水乾高田裂
秧苗葉葉青變黃
今朝一雨溝澮滿
翻水頓息渴鳥忙
晚晴倍覺山色好
濕雲漏出斜陽光
素心人近在咫尺
衝泥過從相扶將
矮屋三間地幽僻
長松巨櫟圍艸堂

盤杯粗具足謀醉濁醪聊可澆枯腸卽今蛾賊連七省
侈然肆逆如鴟張名都大邑望風破有誰堅守同睢陽
擁兵大帥養威重持久坐待么磨亡水深火熱日益甚
赤子糜爛堪悲傷吾儕踰伏向草莽徒然蒿目心傍徨
安得天雨洗兵馬櫬槍淨掃妖星芒克敵年豐共歡樂
稻梁滿積倉與箱會當更謀十日醉珍珠顫滴新糟牀
今宵有酒亦偶爾不飲負此星煌煌世事蒼涼豈堪問
惟有酒國春秋長松風謾謾吹虛廊片雲催我歸山莊
蹇驢蹶躄經高岡遠聞田水如笙簧

味真閣集卷中

七

秋懷

優容姑息自圖全釀禍由來數十年賈傳優時頻痛哭

武侯討賊竟生天

林文忠公病沒於途

也知劫運關前定絕少人

謀亦可憐野老吞聲江上遇國殤誰不泣煩冤

一作新蒲細柳

一淒然

金陵形勝據咽喉虎踞龍蟠扼上流風鶴驚疑先潰散
貔貅坐擁自優游枉教萬姓悲埋血只有將軍冑斷頭
到底不能逃一死卻嫌死罪積山邱

鎮揚接壤古名區南北迢迢走舳艫淮海分流似襟帶

金焦對峙儼蓬壺千堆白骨人朝爨滿地青燐鬼夜呼
畢竟厲階誰執咎 國家兩誤恨庸奴

竟從大海縱長鯨釜底游魂總未平司馬徵兵空絡繹
大農籌餉幾經營雍容養望元戎意宵旰憂勞 聖

主情爲語羣公須努力早將妖燄掃欃槍

空山桂子發幽馨斨斧東征怨雨霖兵氣久應清日月
天威羣想震雷霆風聞難定頭先白露布遙傳眼尙青
差喜幽燕名將在黃灣屢捷振聲靈

毛三元結營三汊河最爲賊所畏懼

已是三年伐鬼方依然小醜自跳梁 主憂未必臣

味真閣集卷中

八

知辱將怯難禁賊尙強株守豈眞思待兔牢空枉自怨
亡羊

揚州賊逸出破廬州擾英霍竄至直隸山東各州縣

軍儲民命勞 宸眷速

奏膚功答 廟堂

雨中和粟仙韻

密室清談擬竹林已涼池館晝陰陰詩情漸減如雲澹
愁緒頻添似水深閒繹榮期三樂語時爲杜老八哀吟
卅年舊雨晨星散荒徑何人肯惠臨

賊掠糧

賊掠糧掠糧多在濱江莊小民辛苦望秋熟眼見秬稻

將登場腰鎌刈割勤播種私計滿積盈倉箱羣賊如麻
肆劫掠刀光耀日民潛藏賊來兵未至兵至賊已亡倉
箱倏空場稻盡登田痛哭心悽惶官兵不見賊疑賊匿
民房烈火一炬成焦土從此窮民無栖無食形佞倭遇
兵遇賊同罹殃賊如狐鼠兵豺狼何日賊滅兵遠颺安
穩耕種逢年康嗚乎縱得逢年康溝中之瘠餓已僵

兵伐竹

兵伐竹修竹漪漪曳寒玉大兵一到竹全空無復庭前
漾新綠記得園竹初移栽小民愛護如嬰孩幾年成林
又上筍倚作農器心歡哈肆意斫伐吁可怪纔出村前
卽貨賣兵來見竹眼倍明竹不伐完心不快嗚乎此竹
大之不能爲樓臺小之不足供薪材將軍未聞令取竹
大兵伐竹胡爲哉嗚乎小民哭竹聲悲哀大兵伐竹胡
爲哉

築土城

築土城土城築就堅且凝萬口邪許聲登登高如垣墉
直如繩沙田土鬆逢積潦梅雨淫淫土城倒土城傾倒
官兵惱鞭朴交加重築造借問築城是何人乃是附郭

畊田民有錢免築役不及無錢屢築工兼旬官兵督工
性暴急日出築城至日入官給食錢日四十徒飽兵囊
民不得民不得錢民無食枵腹築城仍不息汗流城下
淋漓紅淚入土中點滴赤哀哉爾民勿過悲偶然值此
寇亂時指日賊滅官旋師土城鏟盡無復畱根基嗚乎
何日賊滅官旋師眼見土城鏟盡無復畱根基

收馬草

收馬草馬草朝朝收不了草多官兵歡草少官兵惱官
兵惱草日少有草馬漸肥無草牛不飽小民愛牛先愛

味真閣集卷中

十

草牛草便是小民寶民非牛不能畊官非馬不能征有
草馬肥馬力壯無草牛餓牛哀鳴馬肥兵則喜牛餓民
何恃小民性命托畊牛牛不能畊小民死哀哉爾愚氓
何不賣牛來當兵當兵不用戰與征日日安穩坐大營
大營馬草高過屋不聞民間聲痛哭嗚乎不聞民間聲
痛哭但見馬草高過屋

碧血

碧血模糊氣未降馮唐英特世無雙沈寃上訴逢虓虎
九死銜哀恨吠彪五百義民歸海島八千子弟散烏江

可憐怨憤何時了入地猶餘血滿腔

小圃

晚來過小圃隨意踏畦町雪淨山泥滑風和鳥夢醒纔
教梅萼綠未遣柳條青登陟多幽意延緣憩小亭

衰年

衰年逢寇亂身世易驚秋疎樹落黃葉孤燈照白頭劉
伶常愛醉衛玠最工愁煙水渺無際忘機惟海鷗

石樵先生遺詩

園居後集

甲寅

儀徵張安葆懷之著

八日立春同人醵飲秋馥山房和粟仙韻

立春共喜放新晴如水園林趣更清
拈韻律嚴搜意匠舉觴政肅鬥心兵
橫波幾樹梅窺影搖雪一枝竹弄聲
佳日不妨同醕酌當筵況有月華明

雨後小園卽目

積雨新晴暢好天園林物候各暄妍
山梅素面疑嬌女池柳綠衣如少年
春氣薰人濃欲醉東風著水嫩生煙
只愁江上妖氛惡何日纔看露布傳

味真閣集卷中

一

廣陵道中

積雨初晴鳥雀喧東風吹我到郊原
田疇空闊春回燒墟落蕭條晝閉門
嚙盡麥芽平似刈斫餘楊柳禿如髡
幾時江上烽煙淨畊鑿無驚樂故園

花農過訪園居同人醵飲戲用溪西鷄齊啼韻卽

席賦贈

小橋流水漲清溪過訪蝸廬日已西
一種風標同野鶴十年譚論共窗鷄
關心節候桃花放潑眼韶華麥秀齊

何日蓬蒿尋蔣詡萬松深處聽鶯啼

三月二十九日同人集畱仙小館餞春限家字韻
輕裝避寇遠移家彈指俄驚改歲華高閣瓊瓏叨地主
故園咫尺隔天涯曠懷自適出林趣老眼還看富貴花
斷飲十年疏麴蘖今朝不惜醉流霞
看到子孫能幾家名園如此擅清華三朝喬木畱山曲
百尺高樓傍水涯難得清談皆舊雨況逢佳日對名花
歸途莫惜怱怱別一路好山明晚霞

清華閣觀荷

味真閣集卷中

二

亭亭淨植冒芳池映日迎風別樣姿一種凌波好顏色
有誰相賞未開時

由一覽亭循桃柳隄至清華閣

偶登高閣望桑麻稻隴風來日未斜自倚一筇閒聽水
時隨雙蝶冷尋花蓮分南北田田葉塘有官私閣閣蛙
漫道晚來無好景試看天半起朱霞

老拙

老拙宜休息餘生冀苟延四郊猶盜賊三載困林泉身
比枯株朽心如墜石懸江頭頻悵望何日靖烽煙

身世

歲歲償詩債朝朝困病魔斷頭新鬼大屈指故人多辛
苦秋燈語淒涼春夢婆茫茫此身世生計欲如何

幽居

巖壑幽居事事宜偶將物理細尋思馬能負重須論骨
豹尚潛形莫相皮池沼水深魚最樂園林樹密鳥先知
消閒漸得忘機妙深悔還山十載遲

晚來一雨漲平池小草閒花得潤滋蕉是美人無礙瘦
柳真秋士不嫌悲芙蓉浥露露愁難耐葵藿傾陽性豈移
領取靜中滋味永倚闌凝睇立多時

味真閣集卷中

三

雨後

雨後池塘水滿陂芳塍濃翠漾參差稻花香到柴門外
倚杖臨風立少時
西風颯颯送新涼未覺園林夜隕霜曉起開門看秋色
一株鳴腳樹先黃

聞梅孫自越歸里寄居西邨詩以懷之

移家草草避郊坰自向深林戢影形每以索居懷舊雨
那堪老友似晨星衰頽歎我頭全白磊落看君眼獨青

何日西窗同翦燭清譚特爲倒銀瓶

越水吳天席屢移南風五兩故遲遲驚心烽火憂如醉
過眼江山妙入詩白舫烏篷歸棹路青鐙黃葉夜吟時
會須來訪西邨裏躑躅同扶杖兩枝

家寄琴弟

積功

殉節臨清靈輻歸里因病未能一

奠詩以哭之

傳說孤城陷猶疑信未眞士民齊殉難骨肉盡成塵輿
論思循吏 天心悼盡臣 節終邀 異數海寓

慟斯人

味眞閣集卷中

四

羣盜蜂屯日傳聞夜屢驚城隍雄自踞面目凜疑生

城陷

後賊白晝見

君踞坐堂皇面目衣冠如平時

信國成仁氣睢陽殺賊誠追維

卅年事忽覺意縱橫

憶昔髫齡日文壇追逐場胸襟同磊落頭角總昂藏君
已全忠節余空惜老蒼烽煙猶未淨搔首恨茫茫
浩氣畱千載完人萃一門豺狼徒側目魑魅與招魂丹
旒還祠廟青山醪酒尊病軀難執紼愧負復何言

汪雲溪親家

景

卅載舊交婚姻世好去年避寇西

郭倉卒出門未攜一物狼戇特甚余延至樸園

并其子女諸孫提挈牽牽而至兩年以來蹤迹
密邇中秋後一日小病長逝老友凋零感傷無
已既痛逝者行自念也

移家避寇入林中嚙齒穿齷罵賊同惡籍茫茫堆地黑
長烽耿耿徹天紅愁腸百結心猶壯瘦骨三年髓盡空
今日塵氛都掃盡只餘浩氣滿蒼穹

一世昂藏磊落胸獨來獨往此高蹤性情契合膠投漆
形影追隨蟹負蛩潛伏早甘同蠖屈扶持相與惜龍鍾
衰年老友嗟長別執手惟應夢裏逢

味真閣集卷中

五

頻歲

頻歲嬰衰疾雄心減少年四郊紛寇盜舉室寄林泉微
命聊充隱全生仗力田茅檐晴日暝搢腳且高眠

園居雜感

奔馳慙鈍拙謠詠畏譏讒避地求深谷移家得隱巖池
虛浮荇藻庭敞雜松杉更喜行吟處詩篇滿壁嵌
孤直誰相諒真誠世所憎麤才遭薄俗有味是無能欲
究長生諦思依退院僧冠巾常不整一任髮鬅髻

虎豹軍威斂豺狼逆燄張有才應幹濟多病合潛藏白

乳翻茶鼎青燈檢藥囊祇應安老拙豈敢學疏狂

葉潤臣中翰

名澧

寄題寄巢夜話圖依韻奉答二

首

涼風撼高樹百卉萎寒宵開門步前除皎月淒層霄言
念素心人遠道不可招九遠騰驂驪一枝栖鷓鴣何當
南邨居風雨時招要游子眷舊鄉落葉戀故條感時憂
繁霜撫序悲驚焱仰首望燕山道里何迢遙

一室嗒然坐孤檠照涼宵蒼茫萬古心耿耿摩煙霄美
人隔雲端舉手時相招何意垂天鵬俯睇卑枝鶴聲氣
許應求歲月期久要所嗟學荒落敗葉辭繁條盪胸披
青雲側耳驚商焱夢寐路不迷南北途豈遙

胡漱石上舍

數錕

同廡樸園以感懷四律索和依

韻奉答

頻年隱曜寄江鄉自向深林避鬼佞馴雉看眠緣岸草
鳴鳩聽喚拂膺柔身同倪瓚迂成癖心似劉伶酒病狂
樗散早知難適用更堪多病與潛藏

春來吹遍廿番風蹤迹飄零陌上蓬共命竟成連理樹
浮家都作寄居蟲游心老帶莊襟外戢影廉泉讓水中

無限故人書斷絕把君詩句當鱗鴻

無用真同折脚鐺深宵兀坐伴寒檠高風每念柴桑里
威望空思細柳營過眼繁華春夢短痛心兵火劫塵輕
茫茫黑籍妖氛熾會見當空皎日明

半世高譟動鬼神大千界裏一微塵虎頭食肉空畱相
龍性騰波漸易馴華髮飄蕭潘岳病牛衣寂寞范丹貧
阻風中酒尋常事歷歷鶯花盼好春

弔吳文節公

閩越曾籌海瀟湘更誓師忠誠民志信清白

帝心

味真閣集卷中

七

知大燾三軍附中台一柱移方期掃羣寇烽火靖江湄
豈料兵氛惡如麻賊未休羊碑畱峴首馬革裹壺頭謠
詠蚍蜉樹招魂鸚鵡洲翩翩丹旆返淒絕慟山邱

浩氣滿三楚精誠動九重從容全大節優異

表孤忠輿頌懷遺愛天恩予飾終崇祠昭梓里瞻

拜式英風

十省忠勤著平生節義全淒涼鵬鳥賦急難鶴鴒篇白
馬濤空咽銀蟾月失圓豈徒思舊友特爲弔鄉賢

冬夜懷人詩

王二波都尉 嘉福

世亂新知少時艱舊業貧誰爲青眼客同是白頭人家
計兵戈散交情患難眞吞聲江上望滿目尙煙塵

李晴江廣文 文健

笑我貧兼病嗟君老未歸 君黃陂籍避寇儀之東北郊 三年頻作客

八口竟何依舊雨飄黃葉浮雲幻白衣幾時還故里
生計託漁磯

程鎮北太守 葆

京雒塵猶在江湖盜未平一麾新出守萬里滯長征酒

味眞閣集卷中

八

債尋常有冰心徹底清秋燈青黯黯猶憶讀書聲

吳棣孫孝廉 鏡

越水頻移席吳江獨泛舟品評隨月旦談笑自風流論

史霜生腕吟詩雪滿頭全家寄西郭蹤迹似浮鷗

厲石夫刺史 秀芳

愛客開花徑移家結草廬中原屯虎豹小築溷樵漁深

僻柴桑里蕭閒水竹居冬晴應過訪一爲命中車

魏靜卿太守 廷瑜

連宵頻入夢不見已三年鬚鬢驚初改容顏轉勝前小

園餘竹樹故里尙烽煙悵望蕪城月還思對榻眠

程伯華指揮

光治

大家餘甲第小住寄丁溝生計艱黃口離憂變白頭梁
鴻悲貨廡王粲感登樓動我關心處楹書散未收

李少泉上舍

允洵

遠岫青排闥長松綠繞門移家仍負郭結屋自成邨課
子開書帙延賓命酒尊禦冬饒旨蓄寒菜滿東園

十月望夜月色皎潔同人釀飲酒酣徐步小園悵

然成詠用吳稼軒中翰

昆田

中秋前六日晚飲

味真閣集卷中

九

醉後放詠韻

驚聽幾日揚黃沙羣烏繞樹聲牙牙向晚日落寒氣肅
二三知己尋酒家興來對月揮一斗酒氣蓬蓬出戶牖
白墮時將玉液傾紅酣那惜霜柑剖頻年蟻賊屯江鄉
當食不知秔稻香樓閣飛煙餘慷慨荆榛塞路增悲涼
小園荒僻堪潛藏前通魚扈後鹿場座有佳士來求羊
心無機事同羲皇談深忽覺詞鋒騁月色高寒動淒警
北斗闌干人語稀滿庭零亂寒梅影

隱巖

隱巖小住又經年風雪淒然檢舊編時於此間得佳趣
誓將終老殆前緣三層高閣吹笙坐一盞寒燈對榻眠
衰病浸尋生計拙劇憐鄉國尙烽煙

放眼

放眼中原發浩歌茫茫身世竟如何將軍鼓角從天下
盜賊烽煙遍地多竟有豺狼當道立那堪魑魅喜人過
三年命將勞 宸慮誰掃妖氛快止戈

微雪

冬晴剛兩月微雪快民心乍認霜封砌還疑月照林鶴

味真閣集卷中

十

歸三徑晚人語一鐙深預報豐年兆農夫喜不禁

和漱石冬懷原韻

藜牀穿似管鍛竈暝如稻自笑浮生幻難將往事題凍
皴嫌地老雲重逼天低只有梅花好寒香夢不迷

憂思

老年遭亂世短晷迫殘冬自覺齏鹽累頻親麴蘖濃山
林長蝮屈斥埃尙狼烽衰朽知何用憂思媿肚胸

哀謔

燈昏風暗閃窗破雪潛飛老怪綿溫減寒欺酒力微竹

疎枝覺瘦梅放影添肥太息何時旦哀詒託短衣

和少泉移居四律原韻

戢影名園又一年蕭閒疑駐洞中天看花我嬾開三徑
插槿君能結數椽作賦宜居王勃後著鞭甘讓祖生先
勸君早辦青篔笠手捉長檣學課田

多君佳日屢招尋把臂欣然共入林萬里煙塵三載淚

一鐙風雨廿年心

少泉館余家課余子丙炎世
鍾及甥程恩濊凡十餘年

杜公悲

憤江頭泣屈子離騷澤畔吟百種情懷誰與訴寫心惟
有託瑤琴

味真閣集卷中

七

漸知可愛是吾廬繞屋禽鳴韻不孤高致不妨頻乞米
清譚何礙斷樵蘇濃青匝地松花膩積翠當階石髮麤
靜掩柴扉機事少曹騰一任醉模糊

階除鳥雀自然馴物我熙熙萬象春雲裏犬聲常吠客
雨中韭味慣畱賓十年長計應栽樹百萬雄資擬買鄰
世網不攖塵俗遠先生端合號天民

急景

急景頻催老醇醪暫解憂亂離難自遣衰病不禁愁湖

海誰青眼詩書誤白頭相看媿田叟晚歲得優游

屢朝

屢朝興禮樂四海忽兵戈短晷冰霜苦嚴冬戰伐多朝
廷終不改盜賊欲如何太息吾衰甚臨風獨浩誨

孤坐

孤坐嚴寒夜尋求禍亂甚恬熙陰竇伏熾盛孽芽滋噓
吸虜銀海綢繆塞漏卮 皇威伸捷伐誰議撫西夷

武備

武備嗟全弛兵威恨不揚微臣或效死大帥轉逃亡九
府頻籌餉司農急轉餉 聖心宵旰切速爲掃欃槍

味真閣集卷中

七

海寓

海寓頻徵調江鄉阨要衝壺漿民力竭杼柚婦囊空誰
蓄三年艾徒思百足蟲生機回感發惟有望蒼穹

回憶

回憶雍乾代中天景運舒殊方朝玉帛萬國一車書嗟
我初生日還當極盛餘百憂罹此際悔未學樵漁

粵海

粵海清妖孽湘江掃逆氛頻頻馳露市疊疊送風聞從
此千戈戢終憐玉石焚鯨鯢銷跋扈還望水犀軍

葭管

葭管灰飛子星躔斗建寅豐穰民樂歲浩蕩物知春厭
亂關天意休兵仗春帝仁願安畊鑿計永作葛天民

少泉枉過小園時

兒子丙炎

初自北歸招同胡漱

石巴粟仙小厓昆仲吳湛園蔡澗波江問泉集

飲誦茶書屋

三九嚴寒雪作圍時晴且喜日生暉文章巨手高軒過

烽火長塗客子歸數載山林同戢影今宵詩酒各忘機

座中惜少車公在揮塵還思玉屑霏

粟仙病瘧未與斯集

味真閣集卷中

圭

和作

李允洵

少泉

樓閣參差竹樹圍山居依舊占清暉高情我媿平原
飲快事人從遠道歸隨意詩成五雜俎出奇韻疊九
張機何當更啟消寒會攜酒同聽雨雪霏

巴堂炳

粟仙

團欒小坐一燈圍雪後園林聚德暉酒氣漸濃忘夜
冷梅花欲綻覺春歸病多屢負良朋約吟倦如鳴懶
婦機深謝袖詩相問訊隱囊斜倚聽珠霏

胡敦錕

漱石

折柳驚看樹十圍舊居如畫倚清暉胡牀老子南樓
臥薇省郎君北闕歸開徑儘容彭澤隱灌園久息漢
陰機今宵佳會傾尊酒更擬頻看玉唾霏

巴堂峻

小厓

雪滿空庭繞四圍忍寒拭目望春暉晴風吹水游魚
活高樹挈雲倦鳥歸觸境有懷頻惹恨銜杯相對得
忘機窮途且喜詩腸健好句爭誇珠玉霏

蔡

澗雲波

虛堂團坐竹爐圍暢好園林聚德暉雷爪飛鴻雲外

味真閣集卷中

古

落驚心羸馬賊邊歸烽煙萬里頻聞警泉石三年久
息機終覺沈憂忘未得北風雨雪尙紛霏

江

渠問泉

嘉樹園中已十圍參差樓閣倚斜暉蘭心臭味風前
領車腳勞薪日下歸出岫閒雲高得勢孤飛窮鳥倦
知機今宵師友欣團聚會見隨風咳唾霏

諸君各出佳章見和仍用原韻賦呈

頻年愁病減腰圍長夜茫茫想曙暉滿地煙塵驚世亂
漫天風雪盼春歸閒看到果萌生意坐對梅花識化機

靜與諸君參妙理快譚休惜唾珠霏

少泉將歸焦家山詩以送之仍用前韻

青蔥竹柏四山圍樓閣瓊瓏映曉暉
凍雀啾啁喧客到蹇驢蹶躅看君歸
小池泉活知春氣高嶺梅開悟動機
正擬消寒聯雅集吟壇還盼墨雲霏

粟仙仍疊前韻垂詢余疾依韻再酬

嚴冬時候竹爐圍強起扶牀對午暉
身似寒蟲僵入蟄病同窮鳥倦思歸
衰頽久禿生花筆蹇澀猶抽獨繭機
多謝故人頻問訊揮豪不吝墨煙霏

味真閣集卷中

五

老病

老病千愁集嚴寒百感生
朽材宜遜世多難畏浮名
四海煙塵暗全家骨肉輕
臨風搔白首祇覺負生平

短枕

短枕雞啼醒高枝鳥踏空
疎梅寒犯雪瘦竹勁翻風
故里妖氛熾空山活計窮
茫茫身世事一任逐飛蓬

濁世

濁世人情薄窮途壯志違
病柯僵欲仆急鳥倦還飛
歲月驚心逝親交舉目非
衰頽何所事惟有閉荆扉

田疇

田疇成廢壞家室付飛灰頻灑憂時淚誰爲濟變才三年邊馬瘦一哭夜猿何日清妖孽羣瞻上將臺

汪甥

國麟

自避寇以來頻年依余以居始得存活

今秋雲溪親家病故頓失乾蔭伶仃可哀適其表兄程鎮北太守

葆

之任肇慶邀與偕行惘惘

出門有離別可憐之色欲作一詩送之久而未就寒夜不寐補成長句將由驛遞寄之粵東

割情送汝向江濱草草杯盤集眾賓孤客七千餘里路

味眞閣集卷中

六

病夫六十四年身此生會面知何日後起承家大有人卻憶而翁猶淺土臨風揮淚獨沾巾

厲惕齋表弟

秀芳

沈莊別業落成移居有日詩以

賀之

曾傍焦先宅今來沈約家二分新築屋三徑舊栽花僮僕歡盈室圖書壓滿車糟牀冬釀熟卮酒不須賒

松影青排闥山光綠到門課孫時問字款客屢開尊心有淵魚契庭無車馬喧經過應不遠竹樹指前邨

惠政留山左謳思遍士民槐廳清似水草野澤如春杜

老惟忠愛陶公本率真羣推今傲吏誰識古詩人

乘興時尋友無聊且著書舊聞編日下新誌續虞初時君

自輯夢談
隨錄二卷合擬三槐里真成五柳居東臬農事及還可

帶經鋤

上將

上將臺高寵遇優掃清妖孽仗奇謀令公自昔崇威望

方叔何時建壯猷碧海難憑精衛補青天空抱杞人憂

君恩民命無旁貸傲倖都從一死休

立春後二日消寒小集粟仙首唱一律卽次其韻

味真閣集卷中

七

律轉陽和入綺櫳良辰佳會賞心同閒揮麈尾思王導

遲二波
不至坐擁皋比待馬融明年將延吳梅
孫孝廉課子姪不速豈期來

舊雨汪孟平秀才適
自郡城枉過相逢莫惜醉春風亂離身世欣團

聚忍負憧憧燭影紅

伐木謠

朝伐木暮伐木伐木丁丁遍山谷初伐巨櫟次古松邨

北邨南同一哭官兵結隊來意氣顛若雷刀光雪亮耀

白晝小民瞥見魂魄摧大木作屋料次木充炭材驅民

輦送大營去鞭笞棒喝聲悲哀聲悲哀心憤愠但見兵

勢日縱橫那計民窮齊恚忿自來設兵以衛民不能衛
民翻害人官兵伐木何紛紛統兵大帥聞不聞

深山一首用粟仙題草堂集詩原韻

深山屢見樹榮枯遜迹長詞幾歎吁潛伏甘心同霧豹
假威蒿目看城狐杜公感事詩千首阮籍憂時酒一壺
莫漫相逢傷落拓馬嫌神駿鶴嫌癯

白首一首仍用粟仙題草堂集詩原韻

白首青鐙望眼枯臨風感事重嗟吁空羣枉說千金馬
論價誰爭一腋狐海內關山紛鐵甲胸中邱壑寄冰壺

味真閣集卷中

六

沈憂百結形憔悴莫笑襜褕比鶴臞

哀憤詩

粵寇未除賊氛屢警桑梓舊交喪亡殆盡雖顯
晦各異而哀憤略同寒宵不寐百憂紛集聞雞
醒枕數漏冰衾各輓一詩計十二首

兩湖制軍太子少保吳文節公

鎮將思堅壁置臣自督師身常依日月心蚤痛瘡痍馬
援壺頭戰羊公峴首碑黃腸歸故里風雨護靈旗

汪醇卿太史

廷儒

玉堂羅寶笈蕩節擁旌麾丰采端凝式形神頃刻離高
堂猶有母繞膝竟無兒春草年年發池塘夢醒時謂令弟槐
堂

徐來峯宮贊

玉豐

曉夢辭金闕辱軀殞玉田星悲芒墜地鵬折翼垂天濁
世憎多口斯人不永年朋交傷永訣談笑憶從前

家寄琴太守

積功

嬰城無武將致命有文臣萬姓甘從死全家許致身從
容同赴義辛苦獨成仁恤典叨優厚 褒忠仰

味真閣集卷中

充

帝闈

徐書城明經

嘉泰

攜家辭北郭避地入西山聽水時扶杖吟詩嬾閉關荒
園頻駐足濁酒一開顏悵望紅橋月斯人竟不還

吳秋唵參軍

人燦

狂寇能無懼危巢矢不移子身全性命舉室盡瘡痍罵
賊心猶壯依人老最悲一棺蕭寺裏親故涕漣漉

吳湘浦司馬

廷棟

亂離軀命賤艱苦夙心違貧極無生理愁深釀死機室

家悲盡喪妻女竟何依高塚巍然在春來宿艸稀

楊竹書比部

贊勳

三年疎覲面一死最傷神京雒書初達鄉關信未眞閨
中青鬢婦堂上白頭親遙想重泉下魂猶戀 帝闈

吳商賢茂才

大彭

難兄先撒手弱弟獨傷心家破餘書帙妻亡弔藁砧愁
悲黃葉墜春怨綠波深忍聽孤雛泣哀猿峽裏音

楊季子上舍

亮

揮戈心尙壯看鏡鬢新皤古誼情淪浹高才命坎軻有

味眞閣集卷中

三

妻操井曰無子送山阿七葉簪纓第淒涼忍再過

夏履祥廣文

慶保

扶危思猛將效死得儒官草際羞偷活盤中恥素餐艱
難伸義氣披豁見心肝太息孤兒在伶仃不忍看

吳蓮士秀才

鏞

書生能抗賊慷慨獨捐軀臨難輕身命平生慎髮膚室
家塵慘淡妻子血模糊憶弟看雲立汎瀾老淚枯

謂梅孫

鍾小亭太守

淮

鄉兵團白桿義勇集紅橋虎旅潛封豕鸞羣雜怪號黃

巾賊忽起碧血恨難消遙想忠魂在英靈雜怒潮

陳九成 齶尹 大磬

狂寇妖氛熾卑官大義明妻兒同殉死僮僕盡捐生寂

寞酒壚痛淒涼鄰笛聲小園花又發愁絕庾蘭成 君家小園

花木極盛花時每同歡晏

程玉材 明經 兆棟

張拳嗟赤手殺賊矢雄心九死丹忱在全家碧血沈銜

冤燐火暗思舊夜燈深太息高文手臨風淚滿襟

汪雲溪 上舍 景

味真閣集卷中

三

磊落平生氣飄零數載悲壯心空激宕瘦骨益支離醫

國無長策憂時多苦思有甥方出守永訣倍淒其 令甥程鎮

北太守莅任肇慶道經揚州以不獲見君痛哭而去

黃二梧 司馬 承錫

暮年思抗賊誓死戀危巢骨肉全家散貲財盡室鈔三

年悲梗泛卅載痛蘭交追憶髫齡友難禁老淚拋

程蘅衫 秀才 荃

浮家身漸老賣字境彌窮切齒紅巾賊傷心白髮翁竹

窗經案冷花塢畫樓空懽懽情如昨斯人痛已終 子與梅孫

小厓在皖時屢承招飲
君家花塢夕陽樓下

王少甫上舍 彦蓉

美名如不及愛好出天然身世紅羊劫才華白馬篇兩

年遯深谷一病墜重淵題我家遺墨新詩句句傳君題先虹

碧公手書前後赤壁賦長古載余味真閣詩鈔

真建中茂才 時楨

已經離虎口何事入危城此別成千古斯人了一生青

林啼怪鳥白日走妖兵曲巷沈冤魄悠悠生死情君被賦戕

於余所居曲卷中

味真閣集卷中

三

朱震伯文學 鉞

詞學宗南宋詩才法盛唐滿城走魑魅盡室飽豺狼書

畫成灰燼園林作戰場君所居黃總門花木極盛賊踞城後因其地敝改為教場屋盡

踏手 十年遺墨在懷舊淚霑裳

尹鳳生秀才 鳴玉

氣壯能憂國時危竟破家忘身入虎口刺手拔鯨牙眼

識風雲陳心驚霹靂車孱軀終不起骨肉淚如麻

感事

三年功罪總模糊一死翻教眾歎吁輕敵豈真能致命

貪功那料竟捐軀，淒涼陷淖魂先喪。慘切求援計太愚，
差幸全屍歸故里。葢棺還得戴頭顱。

刻竹舊盒圖詩

刻竹舊盒楊君雪門

紹時

別業也樓閣深闕花

樹扶疎，棐几湘簾頗饒勝概。雪門繪圖遍徵

題詠。道光戊申己酉數年，余寓居郡城日多

雪門出此圖屬題，因成此長歌以應詩稿。隨

手拋擲，久不記憶。今年仲冬

兒子丙炎

歸自

京師，在清暉老屋中翻檢，做篋偶然得之。出

味真閣集卷中

三

以視余宛若隔世間。去歲郡城破後，此盒盡燬。
於火雪門亦復下世。此圖此詩俱成陳迹。今之
詩稿如飛鴻爪迹，偶一現示，豈忍棄之。因附錄
於今年雜詩之後。吾詩如不泯滅，雪門與此盒
或亦附以暫存與。

探花巷中曲復曲，家家指點篔簹谷。陰森滿地綠雲鋪，
中有詩人讀書屋。詩人世澤我所思，清白傳家懍四知。
累代影纓述祖德，百年喬木衍孫枝。綠楊灣小鄰煙渚，
弱縷柔條縮愁緒。春到閒看乳燕飛，曉來慣聽黃鶯語。

畫樓都在兩聲中茗椀鑪香位置工萬卷書常堆鄴架
十聯詩尙在屏風蕪城舊是繁華地湖上亭臺足謔吹
著錄曾編畫舫名洛陽誰數名園記 翠輦不來六
十年謔臺舞榭付雲煙小虹園圯餘殘礎高詠樓空作
墓田君家先德傳耆舊君尤古學精研究豈徒弓冶紹
箕裘直將播穫承堂構頻年小住綠楊城久向詩壇耳
盛名他日尋君同看竹到門先聽讀書聲

石樵先生遺詩

隱巖集

乙卯丙辰

儀徵張安葆懷之著

早春贈梅

瘦影扶疏傍水濱
東風先放一枝春
欲憑驛使遙持贈
滿眼誰爲絕代人

悵望

歲朝風日快晴和
準擬新春唱止戈
悵望江天一揮淚
烽煙翻較去年多

元夜

味真閣集卷中

長愁銷短鬢
舊疾入新年
此夜月初滿
空山人獨眠
燈光昏小院
寒色逼遙天
卻憶回闌外
細梅正放妍

新年

新年變寒律
春氣起衰軀
晴日羈懷暢
東風病骨蘇
傲裘溫可戀
短杖勁須扶
更有忘憂法
濃斟酒一壺

曉登捫星巖

經年已懶上巖巒
鼓興登臨得壯觀
千里江流飛鳥外
六朝山色曉雲端
蛟翻絕壁蒼籐墜
龍蟄深崖古柏蟠
只恨妖氛猶未淨
東南烽燧忍重看

空山

幾日空山積雨深
小池新綠靜愔愔
逢春草木有驕態
近水樓臺多晚陰
斷梗飄零羈客恨
碧雲遲暮美人心
回思五十餘年事
忽忽前塵感不禁

春風

春風吹浩蕩
病骨起衰慵
閒倚一枝杖
來登百尺峯
曉煙棲積水
晴日挂高松
山徑經過熟
長歌人未逢

衰年

衰年逢亂世
多病寄空山
爛漫春猶轉
羈棲客未還
烽

味真閣集卷中

二

煙頻告警征戰幾
時還閒憂思常如醉
蕭蕭兩鬢斑

團鄉兵

蟻賊久踞瓜州城
環攻三載尙未平
大帥精思出奇計
疊檄州縣團鄉兵
鄉民素未經兵變
那識旗鎗與弓箭
由來忠義出愚民
奮臂一呼甘血戰
驅之對陣氣頓揚
銅鉦百里聲鏗鏗
果然蟻賊驚卻走
擄掠已飽仍潛藏
賊潛瓜州歷三日
大帥率師整隊出
但見滿地屍縱橫
爲賊爲民難究詰
將軍一見笑口開
下令割取首級來
紛披歷亂挂馬後
居然殺賊全師回
師回三軍齊動色

俘馘纍纍眞殺賊誰知前日閉營門救援全仗鄉兵力
招鄉勇

大兵數萬盡闖允急來勝算招鄉勇孤城近傍長江濱
恃此區區遂不恐鄉愚強悍半無知欲期有勇誰使之
一招卽來興蓬勃頓覺如意供指揮白沙洲邊土性薄
民質輕浮民力弱使貪使詐或偶然倚作長城計已錯
大軍屯住東城東馬步兩隊多英雄一聞賊來各堅壁
但令鄉勇攬其鋒嗟哉小邑彈丸地大兵駐此作何事
伐木斫竹眞強梁執豕攘雞亦游戲兵之伎倆賊先明
翻畏鄉勇爲精兵赴桓似可資防衛急難宜堪託死生
豈知若輩居鄉里半是閭閻無賴子好謀端在善圖終
臨事尤期慎諸始招勇易散勇難此輩游民須又安
莫使憂虞生肘腋幾聞輕票奉心肝

雷

昨日逢驚蟄今朝雷發聲
沍寒纔變煖急雨忽翻晴
草木甲齊坼龍蛇臥不成
終期大江上赫怒擊妖鯨

風

大塊忽噫氣春風似虎狂
驚梅任飄泊拂柳共飛揚
滿

院但聞響開窗時有香可能飛屋瓦助戰比昆陽

雨

皇天久不雨一雨快如何麥隴得餘潤柳塘添晚波已
回新歲月未息舊干戈安得洗兵馬征人唱凱歌

雪

驟煖那能恃雪飛仍冱寒隔窗聞浙浙開戶忽漫漫昏
旦甫經宿炎涼已改觀空山車馬絕高臥媿袁安

今年延梅翁課姪

世鎔世錚

下榻鉏經樓酒邊賦

贈

味真閣集卷中

四

忽忽小別歲頻更欣見鬚糜更老成虎口脫離畱後死
臯比珍重拜先生光風霽月常親炙腐史湘騷藉講明
只恨妖氛猶未息江鄉烽燧幾回驚

深山高臥學頑仙瘦骨支離舊病纏壯日蹉跎今老矣
晨星零落益愀然論心擬判三更後執手翻思卅載前
不是南州徐孺子祇應塵榻久虛懸

題梅翁鐵研山堂新詩

契闊三年夢牢騷百首詩蓬心悲歷亂椽筆老紛披白
首懷今雨黃壚弔故知燈邊幾回讀都作斷腸詞

避地林泉僻移家蘿薜深情傷貧老病指數去來今懷
古千秋淚憂時一片心知君同此意不惜酒頻斟

喻子勻參軍 均 曾佐王子涵司馬 檢心 幕再來真

州繪有鑾江再渡圖今應焦海峯司馬 肇瀛 之

招又至斯邑因繪鑾江三渡圖屬同人題詠

鑾江再渡記前因桑下重來歷幾春急景驚心如露電
荒城滿眼尙風塵青山紅樹皆陳迹碩果晨星數故人
莫漫憂時頻太息亂離畱得後凋身

萍蓬聚合亦天工賢主嘉賓臭味同已喜牧羣除害馬

味真閣集卷中

五

海峯司馬甫蒞儀邑卽訪擒 道光二 曾經中澤起哀鴻 十八九
滋事逃兵十四人立時正 力活民以億萬計君又自捐貲給濟藥餌丸散 論交傾
兩年大水爲災君佐王子涵司馬辦振竭盡心
蓋思今雨話舊班荆繼古風惟有樛材早搖落空山僵
臥感衰癘

同作

丙炎 午橋

懷君屢憶舊丰神蹤迹睽離意氣親一種文章見

肝膽六年江海困風塵天風吹合萍蓬影晚歲欣

畱松柏身莫訝鬚眉更蒼老亂離歷遍幾艱辛

風雪長安遠道歸依依寸草戀春暉雞豚潔養還

鄉樂車馬奔馳薄宦非且喜故人顏色好敢嫌空
谷足音稀濱江斗大城荒落慙媿頻臨長者驂

世鍾叔美

遠移袁浦棹來泛廣陵潮岸柳回新歲場苗樂永

朝連營屯虎豹毀室恨鳴鴉去年十一月寇再陷城余家清暉堂老屋

僅存四壁且喜陽春及行看沴戾消

豪宕凌雲氣經綸濟世才鬚眉六年別襟抱一時
開蓮幕勞籌策粉鄉訪劫灰雪泥曾印爪桑下又
重來

味真閣集卷中

六

題喻瓶齋鑾江三渡圖用石樵原韻

吳鎧梅孫

梗萍離合豈無因燕去鴻來秋復春行李一擔雲
外影空桑三宿劫中塵白沙翠竹皆陳迹綠水紅
蕖幾故人瑣尾流離仍健在天教畱此歲寒身

子雲筆札奪天工借箸何嘗與眾同奏捷文成看
倚馬安氓策在集蜚鴻會逢荀子期他日定見龐
公拜下風歸臥江鄉身已老請纓何術起疲癯

二月二日粟仙招梅翁鄒業之業暨余及蔡雲波

溧 吳湛園 景雲 兩茂才 兒子丙炎世鍾 飲於秋馥

山房不速至者為陳星南少尹 延禧 卽席賦二律

呈主人

嶺梅花裏快延賓 隨意杯盤笑語親 宿草經年悲死別

追悼徐古畚汪雲溪胡 子石吳湘浦諸君子 百花此日值生辰 驚心小歷紅

羊劫聚首欣多白髮人 且與諸君拚酩酊 肯教醒眼負

良晨

北郊第一數名園 樓閣玲瓏竹樹繁 已喜故人新下榻

謂梅孫 更教賢主為開樽 山中自適鳶魚趣 江上猶留虎

味真閣集卷中

七

豹屯安得長歌洗兵馬 消閒高臥水雲邨

同作

草草杯盤笑宴賓 情生莫逆倍相親 韭香夜雨初

晴候梅放春風乍 煖辰吳質登筵推上客 謂梅翁 鄒

陽入座感陳人 業之為吳湘浦妹丈壻全家陷賊 僅以身免湘浦暨舍妹由揚遷儀

依余家以居兩年來先後下世餘一女適業之來 儀因與小厓弟黽勉為完室家以竟妹丈未了之

志酒次憶及 筵前珍重團萍迹 把酒同消夜嚮晨 不勝愴然

亭榭荒蕪數畝園 春歸漸覺鳥聲繁 謝安興到蠟

雙屐 謂星南 李白吟成酒一尊 石翁詩 卜歲喜聽溪

水活農田望澤連得雨雪感時愁見陣雲屯臨流欲覓漁人

問何處桃花洞裏邨

吳鎧梅孫

春光如晝集嘉賓萍合落同臭味親大好亭林開

勝賞中和煙景說佳辰欣逢棣萼皆才子謂令弟小厓

肯替梅花作主人老去貪游宜秉燭忍教辜負豔

陽晨

揭來僑寓辟疆園眞率何知禮數繁才退難窺書

滿乘情深況挹酒盈樽鳩居自得一枝借石樵畱住園中

味眞閣集卷中

八

課兩小阮虎門猶聞萬竈屯翹望烽煙銷苜蓿任從戢

影老江邨

避寇邨居幽憂多病子勻以自題巒江三渡圖走

三十里遣奴相示仍用鄙人題圖原韻奉荅二

律

深山踰伏笑無因寄迹園林又一春幾日羽書傳露布

連日聞僧邸收復連鎮高唐畿南竄賊一律肅清頻年燕壘悵風塵江頭楊柳

吞聲客洞口桃花避世人差喜故交還健在相看俱是

苦吟身

筆札君卿奪化工飛書馳檄有誰同
游心碧落摩雲鶴
印爪紅塵踏雪鴻
酒賦琴歌名士氣
痴腸傲骨古人風
自傷老病情懷減
快讀新詩起癢癢

近聞僧邸疊復連鎮高唐畿南肅清喜而賦此

軍威震疊殪妖狼
新歲歡聲動萬方
信有熊羆天上落

那容狐兔穴中藏

聞逆首林鳳祥
自地窖中就擒

萬全神算

當陽主

一德膚功異姓王
野老衰頽頭似雪
驚聞

涕淚欲霑裳

和作

味真閣集卷中

九

彤弓一發貫天狼
方叔威名播朔方
授鉞登壇能
決勝投戈實庫永
包藏九州露布馳
枚馬一代風
流數謝王何日
軍門許長揖
欣從袞繡拜衣裳
忽聞當道斬豺狼
喜色先看動四方
江上烽煙連
歲警軍中車甲幾
時藏三驅未殄窮
凶寇單騎羣
思忠武王安得旌
麾盡南指那禁老
淚溼青裳
園居無聊抑鬱多
感俯仰身世不能無詩

高樹園林綠有陰
思量往事幾沈吟
清泉白石言猶在
乳燕鳴鳩春已深
滾滾紅塵三載淚
悠悠青史百年心

壯懷未減衰齡逼愁見飄蕭雪滿簪

古花朝日同人醲飲織組煙霞閣粟仙先成一律

卽次其韻

良辰佳會記傳柑漸覺東風煖意酣竹葉曾傾寒九九
花幡新護徑三三轉喉黃鳥歌金縷撲面青山擁翠嵐
座少車公減歡笑清晨無計挽征驂

謂李花農早還焦家山未與斯集

原詩

分攜斗酒載雙柑笑祝花晨意共酣似翦風輕春
過半盞簪日好徑開三歌聲宛轉傳黃鳥幡影參

宋真閣集卷中

十

差擁翠嵐卻怪謫仙畱不得一鞭侵曉送歸驂

同作

吳 鎧 梅孫

敝絮中懷笑賣柑惱人春色十分酣替花作壽妝
輿萬貫酒澆愁酌雅三大木風清迴遠籟小山日
煖涌浮嵐禁煙時可消烽火欣看千屯士解驂
春日園居仍用粟仙韻

雅興何人載酒柑羈愁常似醉沈酣清明屈指歲周五

寒食驚心節過三

余寓樸園隱巖已屆三年

滿地賊猶中裏赤

春初瓜洲

賊屢出掠糧由圩坊擾及山坊

隔江山自髻浮嵐

石城京口賊仍久踞

相期迅掃

妖氛淨壯士還鄉解戰驂

和詩

吳 鎧

眞率人來攜酒柑萍蓬相遇意尤酣一年須記春
分二千醉奚辭爵過三繞檻青紅翻落照列窗紫
翠送浮嵐何時江上烽煙淨結伴還家整轡驂

巴堂炳

阮公蠟屐戴公柑遣興惟教日日酣草野何知韻
有六樹勳誰是箭傳三春來花淚霏紅雨江上山
光鎖碧嵐幸得邨居未孤寂款扉時見客停驂

味眞閣集卷中

七

春陰未霽杏花已開觸物感時輒成長句

杏花初放蠟黏枝輕煖輕寒正此時二月江南春尙淺
三層樓畔雨如絲池邊綠嫩魚爭唼牆外紅欵蝶已知
強欲半山亭上望凌兢容我一筇支

湖山

湖山冷落漸欹頽曲檻疏廊任往回石腳露根蟠竹柏
波心倒影浸樓臺東風著地花纔落碧草黏天燕乍來
三載閒愁渾未解暫容懷抱此時開

後懷人詩

朱春圃太守 京昌

同庚同月日冊載訂心知北海平生願西河老淚悲麟祺比部隨呂侍郎賢令
基勦賊安徽沒於軍中 故鄉屯虎豹當道問狐狸奔走

空皮骨還餘雪滿髭

李蘧園孝廉 鼎茶

白洋山在望松柏勢青蒼中有高吟者頻年寄草堂亂

離生計拙憂患壯心傷一事差堪慰蘆簾伴孟光君配

人去秋患病甚劇危而獲安

家偕博離尹 積厚

味真閣集卷中

漢水卅年客粉鄉三載歸河山今豈是家室昔全非舊

雨誰相問晨星已漸稀栖遲何所事惟有閉荆扉君老屋已

售新在北郊結廬為避寇之計

喻子勻參軍 均

全家聞陷賊八口尙依人妻子悲離散風塵歷苦辛愁

腸幾盤結俠骨自輪困更憶神明宰瘡痍待拊循謂王子涵

馬司

家勸盦方伯 雲藻

病深憐遠宦 恩重許還鄉三載依粉社全家寄草

堂烽煙困江海身世歷風霜欲覓忘憂草還尋辟穀方

朱茗齋貳尹 大受

遠道兵戈阻寒冬雨雪霏旅居誰可語亂世不如歸省
識還鄉樂翻嫌薄宦非田園足餽粥聊可息塵機

范雨邨徵君 凌震

齊年排雁齒同學聚魚頭死別淪胥痛生存積厝憂君
才仍跌宕余老但窮愁何日同攜手紅橋醉一甌 在郡時屢

同為紅橋邨店之飲

王保衡明經 正

味真閣集卷中

三

澄懷盟白衣遯迹入烏山一畝惟環堵終朝自閉關情
親如手足別久憶容顏聞說憂思苦蕭蕭兩鬢斑

園居春感用吳湛園清明偶成韻

隱巖小住又經年開到桃花別有天新喜北來傳露布

不堪南望尚烽煙么磨疊劫連邨粟 首春賊在東圩擄糧擾及山坊焚掠

甚上相頻籌九府錢 閱邨抄部議鑄當五百當百當五十當十當五各大錢又鑄鉛錢鐵

錢以濟銅錢之不足病體衰頽生計拙百憂都集酒尊邊

題李伯生秀才 嗣昌 集杜詩卷

杜老憂時意氣豪集成詩句寫牢騷頻澆磊塊杯能借

別出機絲手自繅虎脊龍文供駕馭天吳紫鳳拆波濤
紛紛輕薄休相笑撼樹蚍蜉惜爾曹

園居偶成用梅孫題伯生集杜詩韻卽贈梅孫
又綠清明楊柳條郵墟冷落氣蕭寥小園鶯燕應時見
當道豺狼何日銷老我苦耽詩句癖知君愁借酒杯澆
沈憂百結心如醉意興全輸北海超

原詩

浣花身世本蕭條望古傷今總寂寥北極星辰通
夜朗南天烽燧幾時消牢曹那減吟詩瘦磊塊何

味真閣集卷中

十四

妨借酒澆自昔文章稱李杜不羣益羨謫仙超
扇和風煖不鳴條樓閣參差倚碧寥觸目烽煙猶
未淨搔頭霜雪幾曾消老餘身似桃符換愁極胸
難米汁澆猿鶴沙蟲紛變幻何時定遠起班超

巴堂炳

嬌紅又綴海棠條園館當春未寂寥喚夢鶯聲醒
後囀惱人花事病中消甲兵誰挽明河洗磊塊難
憑濁酒澆已分此身終伏櫪讓他神駿自騰超

雨中書感

黃池小醜弄戈矛，征戰頻年卒未休。欲冀天心消禍亂，先憑人意省愆尤。九重宵旰勞千慮，萬姓瘡痍遍

十州。堊老空山搔白首，幾時滅賊起沈憂。

仁和王小獻治中

安瀾

客巴氏竹裏館時曾製詩

筒一具，截竹爲之，上覆以蓋，刮磨拂拭瑩潤如玉。

洵文房雅翫也。小獻歸里時貽贈胡漱石上舍。

數

愛藏幾二十年，不知緣何流落市肆，余以青蚨

壹緡購得之，重見故人手迹，喜不自勝。筒上鐫靈

芬館詩一章，最佳，因爲繼聲，并徵同人分咏其事。

味真閣集卷中

五

故人製此碧雲筒，收取詩篇位置工。一種光芒超象外，
百家騰躍入環中。借他直節聯今雨，引我虛心拜下風。
佳句良辰頻贈答，不妨傳送走奚僮。

原詩

郭

麀

頻伽

問誰裁此碧雲寒，日莫唵成句未安。之子遠行少
鴻雁，美人贈我有琅玕。百回不厭開函讀，一笑眞
成束筍看傳語。松陵酬唱侶新詩，畱取伴漁竿。

和詩

吳

鎧

誰截琅玕作碧筒，日光玉潔刮磨工。虛心介節爲

園後脫手新詞入彀中收放恰如符調水去來可
替屨隨風權輿雅製追元白日報平安累小僮

巴堂炳

子安去後此遺筒顯晦從知造化工未免有情來
手裏那能無感觸胸中摩挲愛此盤彝鼎往復吟
宜雅頌風寄語綠簑青笠客好隨釣具付漁僮

暮春

暮春三月春氣融野老空山生計窮但能食字如脈望
不解和絃慙鞠通知交零落九秋葉華髮飄蕭雙鬢蓬

味真閣集卷中

去

頻年足不入城市蹤迹庶或希龐公

喜雨

入春兩月餘曾未見一雨二麥乾欲枯田叟憂思苦大
帝將欲賜甘霖幾日南風潤柱礎雲先作勢齊奉龍風
亦助威狂似虎玉女投壺失蓮驍雷公持椎震布鼓一
雨三日誰之力溝澮皆盈天所與五日不雨則無麥餅
餌那得盈筐筥十日不雨則無禾稻梁安得滿倉庾天
心助順錫康年蛾賊緣何拒螳斧指日行看洗兵馬掃

淨么磨歌樂土

喻子勻參軍向客孟城屬李君悅山作八圖甫成
四幅粵寇告警篋中偶然檢得石城送別一圖
傷家室之流離感鄉關之殘破遍徵同人題詠

以寄鄉思爲作四截

石城烽火徹天紅家室流離歎斷蓬惟有清涼山似昔
孤亭高峙翠微中

早西門外亘長橋一棹扁舟趁晚潮太息橋邊水楊柳
春來依舊綠條條

雪泥鴻爪話因緣小別鄉關又幾年正是江南好時節

味真閣集卷中

七

鷓鴣聲裏雨如煙

龍眠筆力久超羣寫出家山樹拂雲讀畫更增思舊感

傷心驢背故將軍

悅山爲湯雨生都督高足粵匪破石
城都督全家殉節六朝驢背故將軍

係都督作畫
常用小印

同作

丙炎

萍飄梗泛動經年憶別河梁更惘然今日卻從江

北望石城橋外水如天

華年飛電暗心驚回首前塵百感生一自哀江南

賦就至今愁煞庾蘭成

煙雨春江漲綠波扁舟來往數經過新蒲滿地蘆
芽長祇有垂楊惹恨多

一亭孤峙翠微巔高樹青蒼黯暮煙山色看從圖
畫裏傷心豈獨李龍眠

示兒

丙炎

吾藉隸北直華胄難具陳五季遭變亂譜系蕩爲塵

峩榮甫公太倉遷於真長才影簪纓遺澤垂雲祏

榮甫公仕

元爲海道萬戶長是爲遷儀始祖

詩禮傳延綿十七世相承水木溯本

原慨然懷先型

味真閣集卷中

六

虹公生明季憂世懷遯思日隱醉鄉中不爲好爵糜偉
哉姜貞毅延訪來茅茨遂訂忘形交醇醪傾一卮醉餘
興酣適作書聊自怡至今畱遺墨珍重永護持度藏清
暉堂二百年於茲豈惟述祖德亮節良堪師

伯祖當

高廟天才富詞筆

翠華幸東南作賦

獻

鑾蹕紀

恩錫茶緞榮於膺袞黻伯父蓮谿

公詩才亦無匹累代俱未仕邛園甘遯迹西郊好墓田
青山氣蔥鬱展拜瞻松楸如見古顏色

高曾逮吾父天挺喬松質靜穆享遐齡敦厚復篤實潛

榮韜光華一經傳舊德余幼列膠庠寡學昧所適四十
老明經冷官曾未得爾少竊科名空疎愧無術好古希
多聞庶幾言有物

念爾官京華簪筆向薇省行將縮半通親故交引領吾
衰嬰疾病默默常自警門祚懼陵夷舊德憂墜隕況復
黃巾賊五載滅未盡舉室寄空山粗糲饑常忍憂思輒
輒來相引如接軫

古人重讀書首貴變氣質奈何少拂意輒自心抑鬱宦
海多風波人心亦回適太行不必遠險巇在接膝識解

味真閣集卷中

九

期明通心不畱一物若使自膠滯方寸何時佚譬行火
宅中意躁燄彌逼頓存清涼心或解鬱攸疾

吾年將七十風燭未可知家政在爾身厥責無可辭貨
殖既未習祿養或可期艱鉅一以任煩劇交相貽簿書
時填委勞如治亂絲使氣或任性顛躓常隨之甯靜以
致遠古人言可師

一家數十口託命於薄田豐歉安可期生理憑諸天樂
歲猶艱難而可逢凶年族戚紛相依家破兼播遷余今
不安集瞬見溝壑填饗飧豈易繼敦敘義則然余豈不

自思無能卸仔肩爾如勝此任龜勉斯爲賢爾力倘不能余望亦已焉
孟子論王政雞豚備養老七十血氣衰非肉則不飽詩人咏椒馨將以寧胡考服賈牽車牛洗腆盡孝道親壽如過客孝養苦不早養薄勝祭豐菽水亦復好椎牛泣墓前地下那能曉吾言及於茲汝心其如擣

毛生逮親存捧檄色有喜及親終天年屢徵遂不起賢者疑難測其實仍一理淵明沖澹懷亦復宰百里聊謀三徑資豈眞戀膺仕偶爾試絃歌何曾累高致往躅豈

味眞閣集卷中

二十

易希遺徽或可企

家鄉凋敝日甚一日記幼時所見寺觀園亭中歲以來十無二三矣逮道光年間頻遭水患城不沒者三版古剎名園多半頽壞咸豐癸丑孤城再陷兵燹之後井里蕭然昔時名勝靡有存者春雨經旬空山枯坐追維往迹彌不勝情各系
孟予備一詩以存大略噫後之視今猶今之視昔今昔
滄余望之感豈獨寺觀園亭已哉

天寧寺有慧日泉東坡曾寫經於此今燬

東坡居士寫經處宋代泉荒井亦空寶殿經樓春草綠
一支殘塔夕陽紅

北山永慶寺唐舊院也寺外有井今大殿燬

唐朝古寺北山陰門外清泉百尺深幾日西風霜信冷

蕭蕭紅葉滿寒林

北山紅葉爲眞
州八景之一

祈年觀卽八蜡廟前眞武殿後玉皇閣西偏姚石

甫方伯

瑩

建報功祠祀宋苗公再成黃忠桓公

得功後爲劉猛將軍廟皆燬

八蜡殿皆歸火劫玉皇閣亦付雲煙只餘斷井頽垣內

味眞閣集卷中

三

平仲一株綠可憐

通眞觀宋舊觀也在謝公新城今燬

通眞古觀傍郊坳六代山光到眼青丹竈藥鑪餘故址

何時更葺拂雲亭

準提菴在東郊舊港卽宋珠金沙故址有宋梅一

株已枯復生一本五榦高出殿屋陰蔽一畝花

北時如雪阮太傅題返魂宋梅花觀石額今燬於

兵火梅亦枯息

一菴冷落水雲鄉粥鼓齋鐘歲月長記得梅花明月夜

寒香繞殿媚空王

秋水菴在南城外背城面河門臨秋水菴西水閣
數楹深樹虧蔽疎簾清簟濃綠惜惜今癡

迢迢曲水抱門流竹榻湘簾處處幽最愛幾株垂柳樹
長條踈地不勝秋

洪宗院在東城水香邨墾四周皆荷塘今癡

古院深沈竹樹繁六時鐘磬寂無喧蒹葭楊柳重重護
一片白荷香到門

擊竹菴在西郊胥浦橋南僧海嵐重建今癡

味真閣集卷中

三

海公枯寂久安禪穩坐蒲團定力堅手葺荒菴西郭外
晨鐘暮鼓送殘年

船田菴在西郊胥浦橋北菴四周皆環以水形如
船然僧覺菴重建今大殿燬

清溪環繞梵王宮白板橋支落照紅大好軒窗臨水拓
田歌遙起暮煙中

胥浦農歌爲眞州八景之一
菴近胥浦插秧時農歌四起

雨花菴在西郊新濟橋今廢

小橋流水夕陽殘賸有荒菴竹樹寒說法老僧飛錫久

曾聞花雨落空壇

十笏菴在城東有棲雲堂堂外古桂一株四季作

花今廢

城東地敞樹陰森秋水蒹葭深復深中有茅菴最幽僻

蒼蒼修竹作龍吟

菴後院多竹寬可數畝
盛夏入林頓忘炎暑

榮園在西郊龍門橋西明汪氏園也有巨石高數

丈俗呼美人石阮太傅題爲湘靈峯汀州伊墨

卿太守

秉綬

書石

美人獨立向黃昏霧鬢煙鬟帶淚痕曾是當年歌舞地
祇今惟有暮鴉喧

味真閣集卷中

三

方來軒在城東南隅程夔周太史別業後歸林琴

菴司馬今廢

鏡裏花開春水生高槐大柳最多情卅年人事滄桑換
忍聽山陽笛裏聲

白沙翠竹江邨在謝公新城南本吳文節公祖別

業後歸余禮耕觀察今廢

四圍綠塋起田歌一棹江邨載酒過猶記少年行樂處
秋槎分載紫菱多

水香村墅在城東一名東城圖畫汪鏡巖觀察別

業後屢易主今廢

接天蓮葉碧無窮萬柄芙蕖映水紅三伏炎熇忘熱惱
披襟消受蕩花風

半曲草堂在倉巷城河半灣尤水村處士廢故居

今廢

一灣流水去迢迢閉戶清吟首重搔惟有汀州賢太守
標題人與此堂高汀州伊墨卿太守贈聯云
露從今夜白人與此堂高

漪圃在東城圖書李鹿樵外翰別業汪歌石處士

所居今廢

味真閣集卷中

香

數閒瓦屋面城根蕩沼菱塘曲抱門大有幽人愛棲遯
此中應號水雲村

因圃在城西礎石街劉牧人文學故居薛荔冒牆

綠陰晝靜爐香茗椀案無點塵今易主

劉郎蟄室少人知一樹寒梅女字枝八十衰翁何所事

擁爐炙研謹新詞

牧翁自署一聯云宅至三遷愛我者
以為拙笑我者以為愚究竟心中只

圖箇窗明几淨年將八十已往者不可追未
來者不可必生憎眼下再負他秋月春花

二畝半居李鹿樵廣文水閣也今廢

城東水木湛清華面面窗開古樹遮猶記桃花春漲暖

板橋一帶散紅霞

子擬水閣一聯云紅雪芳菲春水桃花三尺浪綠雲掩映東風楊柳一溪

煙見者以爲親切

清暉草堂在眞州城南伯祖南垞先生讀書處也

今廢

六朝山色開門見沙鳥風帆到草堂幾度城南訪遺址
萋蒿滿地荻芽長

三月七日同人釀飲畱仙小館看鼠姑花分韻賦

詩紀事用蘭亭序又有清流激湍映帶左右爲

韻子拈得映字

味眞閣集卷中

三

三月天氣佳七日微雨潤醅釀香已殘牡丹開正盛葉

密綠翩翩翻花繁紅掩映豐豔誇富貴荏苒門明靚紫燕

舞千回黃鸝日三請豈必效祓禊聊可接觴詠仲庶興

最豪盤空險語硬

謂梅孫齒適行二

季札殊宗盟才亦華且瑩

謂湛園齒適居四

澤之

謂漱石

與康侯

謂二石

媲美肩吾信鶴病憐

駝氈

是日漱石以有寒疾未與斯宴

雛音獨高振君謨善飲茶其詩自

清澄天上雲璈曲俗耳不易聽

蔡雲波向懶吟詩是集分得清字用轉軀體集

蘭亭字賦七律一章

臥虎好弟兄二難譽早定

謂粟仙小厓

元方居

前茅

粟仙勇於作詩分得帶字獨押全韻

季方乃後勁

小厓不輕脫稿詩每後成

吾也

